

# Op grote Tour!

Ring, ring, ring ... Jasper pingelt as dull. „Nu man to! Ida, du fohrst so langsam as en Snick! Wenn dat so wieder geiht, kaamt wi nienich an. Wi köönt doch en Rennen maken! Ik bün wiss gauer as du!“ Bilütten mag Jasper nu wükdlich nich mehr. Twee Stünnen lang is he mit sien Klass nu al op Fohrrad ünnerwegens, un em geiht dat eenfach nich fix noog. An'n leefsten fohrt he so gau as he kann mit sien Rad un suust den Barg daal – dat maakt Spaaß! Man vundaag mööt se all tosamen blieven, dat hett Herr Lange, de Klassenlehrer, verkloort. „Jasper, hest du vergeten, wat wi för uns Utflug afmaakt hebt?“ „Oh, oh, Herr Lange finnt dat Pingeln un de Idee mit dat Rennen woll nich so lustig.“ Ring, ring ... Dor fangt ja noch een dat Pingeln an! Rrrrrrring ... Un noch een! Mitmal sünd all Kinner an't Pingeln. Jede Fohrradklingel höört sik anners an: Jasper sien bimmelt ganz hooch un luut, de vun Ida maakt deep ding dong, un Sanne hett en lütt Swien ut Gummi an't Stüer, dat quiekt, wenn se op den Buuk drückt. Dor mütt ok Herr Lange lachen. Un Fro Harder, de Musiklehrerin, de ok mit op Tour is, röppt: „Wunnerbor! Ik geev den Takt vör!“ So warrt ut dat Pingeln en Fohrradkonzert. Un Jasper hett ganz vergeten, dat he ja eegentlich gor keen Lust mehr op Radfohren harr.

„Anholen!“ Herr Lange mütt teemlich luut ropen, dat de Fohrrad-Muskanten em höört. „Jasper, di weer uns Tour ja veel to langsam. Mal kieken, wat du so gau ut't Labyrinth wedder rutfinnst.“ „Ut't Labyrinth?“, Jasper kickt sich verdatert üm – de Klass steiht vör en Maislabyrinth! „In de Mitt is en Kist verstecken. Wokeen finnt de toerst, un bringt en Deel ut de Kist mit rut?“, will Fro Harder weten. „Un finnt ji den Weg wedder retour? Los geiht't!“ De Kinner suust los. Jasper vörweg, Sanne un Ida glieks achteran. „Du kümmt wiss vun den Weg af, Jasper, un weetst nich mehr, wo du langs müsst“, röppt Sanne. Un weg is se. Vun buten höört de Lehrers nix as Lachen un Ropen. „Sanne, wo büst du?“ „Mütt ik hier rechts oder links?“ „Weer ik hier nich al?“ As dat lett, is dat gor nich so einfach, den richtigen Weg in't Maislabyrinth to finnen. Dat is Ida, de as eerste wedder torüch is. Ganz stolt höllt se en Tüüt mit Maissaat hooch. Dor steiht op: „För uns Schoolgoorn“. Na un na kaamt mehr Kinner mit Maissaat in de Hand wedder rut. „Wi seit uns egen Labyrinth“, freit sik Ida. Op Jasper mööt se noch et beten töven, he

hett den Weg sachts doch nich ganz so gau funnen ... För den Avend hebt sik de Lehrers noch wat utdacht: Lagerfüer un Stockbroot. En groot Barg Holt is al opboot, un en Schöttel mit Brootdeeg steiht ok praas. Kann losgahn!

**Knollenberg & Partner**  
Wirtschaftsprüfer - Steuerberater - Rechtsanwälte

**Osnabrücker Straße 3**  
**49811 Lingen**  
Telefon (05 91) 9 12 77-0  
Telefax (05 91) 9 12 77-99  
E-Mail: [info@knollenborg.de](mailto:info@knollenborg.de)  
Internet: [www.knollenborg.de](http://www.knollenborg.de)

**Kanzlei Oldenburg:**  
Marschweg 36 / 36 a  
26122 Oldenburg  
Telefon: (04 41) 9 72 90-0  
Telefax: (04 41) 9 72 90-99

**... Beratung aus Tradition**

Nix as en Bookstaven-Dörchenanner! Oder doch nich? Kannst du rutfinden, wat de Schölers beleevt hebt? Maal dat mit en Buntstift an!

Lagerfüer,	o	T	a	c	f	e	F	e	r	i	e	n	k	o
pingeln,	c	g	ä	l	S	w	d	m	j	R	k	o	S	e
Stockbroot,	h	e	u	s	c	B	L	e	s	o	M	i	t	d
Labyrinth,	S	F	n	V	h	d	g	e	L	B	a	u	o	Z
Ferien,	u	o	l	g	o	f	e	V	a	s	i	L	c	K
Goorn,	G	h	m	b	o	g	J	c	b	k	s	i	k	G
Fohrrad,	B	r	u	w	l	C	ä	w	y	ä	k	S	b	o
Mais,	M	r	R	u	L	a	g	e	r	f	ü	e	r	o
School	s	a	g	T	k	R	i	L	i	C	k	w	o	r
	e	d	o	S	i	k	p	i	n	V	T	e	o	n
	f	A	t	L	m	H	Z	a	t	E	p	F	t	k
	p	i	n	g	e	l	n	m	h	o	e	r	d	u

# Wi maakt Stockbroot

**Stockbroot**  
Du bruukst:  
500 g Mehl  
1 Paket frische Hefe  
1 Tass Melk  
En beten Solt un en beten Zucker

Toerst müsst du den Deeg för dat Stockbroot maken. Vermengeleer dat Mehl un dat Solt in en Schöttel. Maak de Melk in en lütt Putt op den Heerd warm. Hool dien Finger rin – is de Melk al warm noog? Krömel de Hefe in de Melk un streu en beten Zucker rin. Röhr dat so lang mit en Sleev üm, bet de Hefe oplööst is. Nu müsst du en Viddelstünn töven, bet de Hefe Blasen maakt. Denn kümmt dat Mehl dorto: Vermengeleer allens un kneed den Deeg düchtig! Villicht bruukst du en beten Hölp. Deck de Schöttel mit en Handdook af: De Deeg mütt slapen (to-minnst een Stünn!) un grötter warrn. Hest du al en Stock ut Holt trecht? Wenn nich, söök di een in den Woold oder in den Goorn. Mit en Metz müsst du de Rinn an't Enn ganz vörsichtig afschellen un em anspitzen. Wenn du na een Stünn ünner dat Handdook kickst un de Deeg ornlich groot worrn is, kann dat glieks losgahn! Kneed em noch eenmal dör – un af na buten! Nu schall dat Stockbroot över't Füer bakt warrn. Nich vergeten: En Füer dröfft du blots mit Erwachsenen maken! Wenn dat schön brennt, wickel en Handvull Deeg üm dat Enn vun dien Stock un hool em över't Füer. Bilütten schullst du den Stock en beten dreihen, anners warrt dien Broot swart. Prööv dat mal: Is dien Broot al trecht? Laat di dat smecken!



Dat gifft dusend Sorten Platt un en is so schön as de annere. Woans de Wöör utspraken warrt, dat kann jedereen denn för sik maken. Wo dat op ankümmt:

## Snack Platt!

Beiträge dieser Doppelseite von:  
Christiane Ehlers,  
Institut für niederdeutsche Sprache

Noch en beten wat to'n Vörlösen – oder to'n Sülvstlösen:



**För den Sommer hebt wi twee Böker in den Koffer packt:**  
Dat geiht üm Ferien op den Riederhoff un üm en Footballspeel. Wenn ji al na School gaht, köönt ji de Böker ok sülvst lösen. Mira maakt Ferien op den Riederhoff – se riddt för ehr Leven geern! Man denn passeert en Mallöör: Se fällt vun't Peerd daal un hett gor nich mehr so recht Lust to'n Rieden. De annere Kinner lacht ehr ut. Nu eerst Recht! Mira warrt jüm wiesen, dat se keen Bangbüx is! Ok Jakob hett dat hild: Sien Footballverein steiht ünner de letzten Veer för den Stadtpokal. Man Jakob maakt en dösigen Fehler bi't Speel; un denn warrt ok noch de Trainer krank. Is nu allens ut? Jakob hett en Idee. Man kann he de Jungs övertügen?  
Heike Wiechmann: De gefährliche Utritt  
ISBN: 978-3-944552-17-0  
Heike Wiechmann: Dat grote Speel  
ISBN: 987-3-944552-18-7  
Carl Schünemann Verlag